

Яшкульск школин сургъульчнрин бригад совхозин кӧдлмшт

Яшкульск района, «Кировский» совхозин 3-ч фермд Яшкулин дундин школин сургъульчнрин производственн бригад кӧдлджәнә. Эн бригадт 50 га эрдни-шишә, 12,5 га багц болн 1 га бодниц даалгъгдсн бәәнә.

Бригадт кӧдлджәх сургъульчнр, үр П. К. Колесниченко багш гардврта, тәрәнә газр деерән палатксд бәәдж кӧдлджәнә. Ургъцан хурадж автлан сургъульчнр доран хотхоолан уугъад, амрн бәәдж кӧдлджәнә. Эднд цуг бийнь 27 кӧвүд-кӧүкд кӧдлджәнә.

Сургъульчнр кӧдлмшән болн амрлгъан графикәр кецхәнә.

Суббот болгънд сургъульчнр машигъәр ирдж, гертән хонцхана. Халун болсн цагт машигъәр йовдж, уснд оӧм хәнә.

Совхозин партийн, профсоюз болн комсомольск организацс сургъульчнрин бригадин кӧдлмшт оньган икәр өгнә. Бригадт кӧдлджәх сургъульчнр цагларн кӧдләд, шиньгәсн мӧнъгән авцхана.

Сургъульчнрин производственн бригадин члед хот-хоолар, ор-дерәр кӧүц сәәнәр теткгдв. Культурн сергмджин кӧдлмш болн спортивн наадн эдн дунд тасрхан уга кегднә.

Совхозин ах агроном үр Б. Дживанов эн бригадин кӧдлмшиг гарддж, сән заавр өгнә. Хәләмджнь сән болсн учрар бригадин участкин ургъци үзлнь му биш.

Т. КИЧИКОВ.